

# 1 YOANE

## Pepa Yoane ingere muŋga panzi kalo-tawana tamâta

*Yesu Kirisi ne pâri-tamâta Yoane ingere pâri ara marumbu lâ, njineŋga muli ingere ngua njine panzi kalo-tawana tamâta ngu pinde. I nde koŋa lâ, aku i ilo ndo keno panzi kalo-tawana tamâta njinde, kala ipatu ŋanzi tu i natu wukale. Tamâta pinde silaŋenzi ngu siporo tu Yesu ipâŋga tamâta mao tia, aku siporo tu nenda kiesaka nde kelekele ŋalae tia. Yoane ileleanzi laŋeŋa tamâta njinde, ku itula ngua pwataki ŋana tini-mwasa ne vetâŋa kê. Iporo tu Maro Kindeni ilo ndo keno pa kinda, kala isupwa Yesu imâ, aku Yesu ilo keno mine nâ kala imâte ŋana kinda kê. Mine nde ara ŋana kinda taitu-taitu ma tininda mwasa panzi tamâta rârani.*

### *Ngua Via ipâŋga nia yo*

<sup>1</sup> Maka uru katula ngua pwataki ŋana Ngua Via kê, i ŋa tonje tu Yesu. Lâ zo njinde Maro Kindeni ipulia samba wa tâno tia yo, ande Ngua njinde imo muŋgani lâ, kala njine i imo mine nâ. Maka kaloŋo i ku matama kamora i lâ. Maka kalea sondo nâ pa i, aku katoŋo i tini lâ. <sup>2</sup> Via njinde nde ipâŋga nia yo lâ. Maka kamora i, aku uru katula ngua pwataki ŋana njinde kê. Kala njine maka kaporo pwataki pa miki tu Ngua Via njinde imo via mine ku imo nâ. Muŋgani i imo kuku Tama, njineŋga ipâŋga nia yo, aku maka

kamora lâ. <sup>3</sup> Maka kamora wa kalonjo njinde marumbu lâ, ande kala maka uru katula ngua pwataki pami nana njinde kê. Maka kaveta mine nana duvi njine kê; maka iloma tu miki ma kamo ilomi taitu kuku maka. Aku kinda tao ilonda ilâ taitu kunzi Tama kuku Natu Yesu Kirisi rua. <sup>4</sup> Maka kanjere ngua lâ pepa njine tini imâ pami nana ma iveta nenda ndekâña ipipi ndo lâ ilonda kalonda.

*Ara nana kinda ma toka sinâla ilo nâ*

<sup>5</sup> Yesu Kirisi itula ngua pwataki pa maka kalonjo lâ, ande kala maka katula nguani ndaina pwataki pa miki. Ngua njinde nde mine: Maro Kindeni i nde sinâla, aku kondoma tonje ikeno pa i, ande tia ndo kanojo. <sup>6</sup> Ambo kinda ma taporo tu, “Nanja ao ilongu ilâ taitu kuku Maro Kindeni”, andeta nenda yokâña ikeno lâ kondoma ilo, ande nenda ngua njinde nde mao tia. Ngua njinde nde lanjeña nâ, nana tu kinda njandai taponu muli pa vetâña mao nga. <sup>7</sup> Taitu miki kalonjo nga; ambo kinda toka lâ sinâla ilo, itogo Maro Kindeni uru imo sinâla ilo mine, ande kinda tamo ilonda taitu kunzi Maro Kindeni ne tamâta. Aku Maro Kindeni Natu Yesu see izavaru nenda kiesaka rârâni piti lâ tininda, aku iveta kinda tamo tava ilonda mbâra-mbâra nâ.

<sup>8</sup> Ambo kinda ma taporo tu, “Nanenggu kiesaka tonje ikeno tia”, ande kinda taporo lanjeña pa warakânda, aku ngua mao ikeno ilonda kalonda tia ndo. <sup>9</sup> Andeta miki kalonjo nga; ambo kinda ma tapatula nenda kiesaka pa Maro Kindeni, ande i ma iveta ikura ne ngua pânja mine. I ma iveta kie ara ndo pa kinda mine; i ma izavaru

kiesaka piti lâ tininda, aku ma izavarunzi vetâña soki-soki ndia rârâni uru taveta ñinde piti tona. Aku i ne vetâña ñinde ma iveta kinda tamo tava ilonda mbâra-mbâra ndo. <sup>10</sup> Ambo kinda ma taporo tu, “Naña munğa aveta kiesaka tonje tia”, ande ñinde itogo kinda taporo ñgua tu Maro Kindeni nde lañeña tamwata. Ambo mine, ande Maro Kindeni kawa ñgua ikeno ilonda kalonda, ande tia.

## 2

### *Yesu Kirisi nde kinda nenda Pavilâña Tamwata*

<sup>1</sup> Naña anğere ñgua ñine imâ pa miki, naña natunğu wukale, ñana isukami tu kapu mulimi pa kiesaka rârâni. Andeta miki kalonjo ñga; ambo tamâta tonje iveta kiesaka, ande nenda Pavilâña Tamwata imo kuku Tamânda, aku i uru ino papa i ñana kinda kâ. Inani Yesu Kirisi, i zuzuli tamwata. <sup>2</sup> I tamwata ipile ne via ku imâte ñana izavaru nenda kiesaka piti kâ. Andeta i ñandai iveta mine ñana ivila kinda simbonda nâ. Iveta mine ñana ivilanzi tamâta rârâni simo tâno ndoni.

### *Ambo tamâta tonje isama Maro Kindeni kilala, ande i ma ipaveta kuku Maro Kindeni kawa ñgua*

<sup>3</sup> Ambo kinda ma tapaveta kuku Maro Kindeni ne tukuña, ande vetâña ñinde ma itula pwataki pa warakânda tu kinda tasama i kilala sondo ndo. <sup>4</sup> Ambo tamâta tonje ma iporo tu, “Naña asama Maro Kindeni kilala sondo ndo”, andeta i ñandai ipaveta kuku Maro Kindeni ne tukuña ñga, ande tamâta ñinde nde lañeña tamwata,

aku ngua mao ikeno i ilo kalo, ande tia. <sup>5</sup> Ambo tamâta tonje ipaveta kuku Maro Kindeni kawa ngua, ande i ne vetâña ñinde itula pwataki tu i ilo ndo ikeno mao nâ pa Maro Kindeni. Mâsi taituni ñinde uru itula pwataki tu kinda tapaipa kuku Maro Kindeni lâ. <sup>6</sup> Ambo tamâta tonje ma iporo tu, “Naña apaipa kuku Maro Kindeni lâ”, ande i ne ngua ñinde ma ipânga kanaño mine; i ma iveta vetâña ara, itogo Yesu munğa iveta mine.

<sup>7</sup> Niñgu-nambwe wukale, naña ma anğere ngua tukuña wasaseki tonje imâ pami, ande tia. Ñine nde tukuña siñga, aku miki kakai munğani lâ. Miki kaloño ngua ñana tukuña ñine kâ marumbu lâ. <sup>8</sup> Andeta tukuña kala ñine naña ma anğere pami, ande tukuña wasaseki tona. Miki nemi vetâña ara tava Yesu ne vetâña ara, ande ñinde itula tukuña ñinde kilala pwataki tu ñinde nde ngua mao. Ñana tu kondoma nga laiti ñana marumbu kâ, aku sinâla mao ñinde nde imâ ipânga lâ, kala imo isinala nia lâ.

<sup>9</sup> Ambo tamâta tonje ma iporo tu, “Naña amo lâ sinâla ilo”, andeta i uru wisi nâna pa ninambwe kalo-tawana tamâta tonje, ande i imo lâ kondoma ilo yo. <sup>10</sup> Tamâta ea uru tini mwasa nâ panzi ninambwe kalo-tawana tamâta, ande i imo lâ sinâla ilo, aku kelekele tonje ñana iveta i pata ndue kâ, ande tia. <sup>11</sup> Anğa tamâta ea uru wisi nâna pa ninambwe kalo-tawana tamâta, ande i imo kondoma ilo ku iyoka lâ kondoma ilo. Aku izizâla tu i ilâ pa nia ndia, ñana tu kondoma nde ipono i mata ndo lâ.

<sup>12</sup> Naŋa natuŋgu wukale, miki kalomi tawana Yesu Kirisi, aku ŋana duvi ŋinde kâ Maro Kindeni izavaru nemi kiesaka piti lâ. Mine kala naŋa aŋgere ŋgua ŋine imâ pami.

<sup>13</sup> Aŋga miki tamâta kokoŋa, miki kasama i kilala sondo ndo, inani imo muŋgani lâ, kala ŋine imo mine nâ. Mine kala naŋa aŋgere ŋgua ŋine imâ pami.

Aŋga miki tamâta limoa, miki kapole Sadana lâ. Mine kala naŋa aŋgere ŋgua ŋine imâ pami. Naŋa natuŋgu wukale, miki kasama Tamânda Maro Kindeni kilala sondo ndo. Mine kala naŋa aŋgere ŋgua ŋine imâ pami.

<sup>14</sup> Miki tamâta kokoŋa, miki kasama i kilala sondo ndo, inani imo muŋgani lâ, kala ŋine imo mine nâ. Mine kala naŋa aŋgere ŋgua ŋine imâ pami. Aku miki tamâta limoa, miki tinimi walo, aku Maro Kindeni kawa ŋgua ikeno kaika lâ ilomi kalomi. Aku miki kapole Sadana lâ. Mine kala naŋa aŋgere ŋgua ŋine imâ pami.

### *Kinda ma ilonda pa tâno ne kelekele ndimo*

<sup>15</sup> Miki ma ilomi pa tâno ne vetâŋa ndimo, aku ilomi pa kelekele tonje ikeno tâno kulu, mine ndimo. Ambo tamâta tonje ilo keno pa tâno ne vetâŋa, ande i ilo keno pa kinda Tamânda, ande tia. <sup>16</sup> Kinda tasama tu tâno ne vetâŋa rârâni nde vetâŋa ŋana iveta wisinda kâki wa ilonda yosi wa tapasuka tininda wa. Vetâŋa ŋinde rârâni ŋandai iyoka pa Tamânda imâ pa kinda ŋga. Ŋinde nde tâno ne vetâŋa nâ. <sup>17</sup> Tâno ŋine ma muli marumbu, aku tâno ne vetâŋa wa kelekele mona-mona ŋine rârâni ma

marumbu tona. Anğa tamâta ea ipaveta kuku Maro Kindeni kawa ngua, ande i ma imo via ku imo nâ.

*Yesu Kirisi ne kazâņa tamâta nde imâ ipâņa lâ*

<sup>18</sup> Naņa natunġu wukale, zo nana tâno ne zo marumbu kâ nde imâ ipâņa laiti lâ. Muņa, miki kaloņo pâri tu Yesu Kirisi ne kazâņa tamâta sakamao ma muli imâ ipâņa. Kala nîne Yesu Kirisi ne kazâņa tamâta rârâ ninde nde simâ sipâņa lâ. Mine kala kinda tasama tu zo nana tâno ne zo marumbu kâ nde imâ ipâņa laiti lâ. <sup>19</sup> Nia ndoyo, kazâņa tamâta ninde simo kuku kinda kalo-tawana tamâta, andeta ninenġa sipile kinda ku silâ lâ. Taitu kinzi muņa simo ninda-nambwe mao, ande tia. Ambo kinzi simo ninda-nambwe mao, ande kinzi ma simo kuku kinda yo. Andeta sipile kinda, aku silâ lâ. Mine kala kinda tasama tu tamâta ninde rârâni nandai simo ninda-nambwe mao nġa.

<sup>20</sup> Anğa nenda Maro Nalae, ina Sapâņa Tamwata, muņgani isupwa Koroani Sapâņa imâ pami, nana itula pwataki tu ipatea miki nana kakai i ne walo nalae. Mine kala miki rârâni kasama ngua mao marumbu lâ. <sup>21</sup> Tiambo miki kazizâla nana ngua mao kâ, aku nana duvi ninde kâ naņa anġere ngua nîne imâ pami, a? Mine tia. Miki kasama ngua mao marumbu lâ, aku kasama tu ngua mao ikura nana ipagugua ngua laņeņa tonġe tia ndo. Mine kala naņa anġere ngua nîne imâ pami. <sup>22</sup> Ayo, laņeņa tamwata nde ea. Ambo tamâta tonġe ma iporo tu, “Yesu nandai Maro Kindeni ne Pateâņa

Tamâta Kirisi nga”, ande tamâta ñinde nde lajeña tamwata. Tamâta ea iporo ñgua kaña mine, ande i ipu muli panzi Tama ku Natu rua. Mine kala i imo Yesu Kirisi ne kazâña tamâta. <sup>23</sup> Tamâta ea ipu muli pa Yesu Kirisi, ande ipu muli pa i Tama tona mine nâ. Anğa tamâta ea ipatula tu i kalo tawana Maro Kindeni Natu, ande i kalo tawana Maro Kindeni tona mine nâ.

*Koroani Sapâña uru ipanana kinda ñana ñgua mao kâ*

<sup>24</sup> Ara ñana miki ma kasaña ñgua muñga kalonjo ñinde kaika. Ambo miki ma kasaña ñgua ñinde kaika ndindi nâ, ande miki kala ma kapaipa kunzi Tama kuku Natu rua. <sup>25</sup> Muñgani Yesu Kirisi ipa ñgua tu ma via mao ilua kinda, ñana ma tamo viânda mine ku tamo nâ.

<sup>26</sup> Naña angere ñgua ñine imâ pami, aku atu apananami ñananzi lajeña tamwatanzi, kinzi ñinde situ sikai lajeña pami ñana ma kapile nemi kalo tawana kâ. <sup>27</sup> Andeta Yesu muñgani itu nzâmbe pami kala isupwa Koroani Sapâña imâ pami lâ, aku Koroani Sapâña tamwata ipaipa kumi. Mine kala tamâta tonje ne wurâta ikeno ñana ipanana miki kâ, ande tia. Koroani Sapâña tamwata uru ipananami ñana vetâña rârâni kâ, aku i ne ñgua ñinde nde mao kanojo. Njinde nde ñgua lajeña tia ndo. Mine nde ara ñana miki ma kapaipa kuku Yesu Kirisi, ikura Koroani Sapâña muñga ipananami mine.

*Mine nde kinda tamo Maro Kindeni natu wukale*

<sup>28</sup> Ayo, naŋa natuŋgu wukale, ara ŋana miki ma kapaipa sondu kuku Yesu Kirisi. Ambo miki ma kaveta mine, ŋineŋga lâ i ne zo ŋana imâ ipâŋga nia yo, ande kinda ma taruru tia. Kinda ma tamandi i nao, aku ma mainda tia. <sup>29</sup> Miki kasama tu Yesu Kirisi nde Zuzuli Tamwata. Mine kala miki kasama mine nâ tu tamâta ea kinzi uru siveta vetâŋa ara, ande kinzi ŋinde simo Maro Kindeni natu wukale.

### 3

<sup>1</sup> Mao nâ, kinda Tamânda tini mwasa ndo pa kinda, aku i ilo ndo keno pa kinda! Mine kala i io ŋoa lâ tininda tu, “Maro Kindeni natu wukale”. Anŋa kinzi tâno tamâta ŋandai sisama Maro Kindeni kilala ŋga. Mine kala kinzi sisama kinda kilalânda tia. <sup>2</sup> Niŋgu-nambwe wukale, kala ŋine kinda tamo Maro Kindeni natu wukale. Anŋa lâ zo muli, ande kinda ma tamo mâsi mana. Ŋinde kilalani ŋandai ipâŋga nia yo ŋga. Taitu kinda tasama tu lâ Yesu Kirisi ne zo ŋana imâ ipâŋga lâ nia yo, ande kinda ma tamora i kilala mao kanaŋo, aku i ma ilele kinda tapâŋga tatogo i tamwata mine. <sup>3</sup> Tamâta ea kinzi uru sio tininzi ŋana i kê, kinzi ŋinde sipaveta warakanzi sondu ndo, ŋana ma simo ilonzi mbâra-mbâra lâ Maro Kindeni nao, itogo Yesu Kirisi imo mine.

<sup>4</sup> Tamâta ea uru iveta kiesaka, ande tamâta ŋinde ilaŋa ipole Maro Kindeni ne tukuŋa. Mao nâ, kiesaka uru ikai kazâŋa pa ŋgua tukuŋa. <sup>5</sup> Andeta miki kasama tu Yesu Kirisi imâ ipâŋga ŋana izavaru kiesaka piti kê, aku kiesaka tonŋe ikeno pa i tia ndo kanaŋo. <sup>6</sup> Ambo tamâta tonŋe ipaipa kuku Yesu Kirisi, ande i ma ipaveta kuku



kiesaka ne vetâña tia ndo. Ambo tamâta tonje ipaveta kuku kiesaka ne vetâña, ande kinda tasama tu tamâta ñinde ñandai imora Yesu Kirisi ku isama i kilala nga.

<sup>7</sup> Naña natungu wukale, miki kapakatona sondo nga. Tia ma tamâta tonje ilanemi. Tamâta ea uru iveta vetâña ara, ande i imo tamâta sondo lâ Maro Kindeni nao, itogo Yesu Kirisi uru imo mine. <sup>8</sup> Muñgani, lâ nia ndoyo, aku imâ lee ipânga lâ zo ñine, ande Sadana iveta kiesaka ku imo nâ. Mine kala tamâta ea uru iveta kiesaka, ande i imo Sadana natu. Taitu Maro Kindeni Natu muñgani imâ ipânga nia yo ñana izavaru Sadana ne wurâta kâ. <sup>9</sup> Ambo Maro Kindeni iveta tamâta tonje ipânga itogo i natu mine, ande tamâta ñinde ma ipaveta kuku kiesaka ne vetâña tia ndo, ñana tu Maro Kindeni kilala imo kuku i. Tamâta ñinde ikura tu ipaveta kuku kiesaka ne vetâña tia ndo kanaño, ñana tu i imo itogo Maro Kindeni natu mine. <sup>10</sup> Ayo, tamâta ea kinzi simo Maro Kindeni natu wukale, a? Aña tamâta ea kinzi simo Sadana natu wukale, a? Ñinde kinda takura tu tasama, ñana tu tamâta ea tininzi pwâka tu sipaveta kuku vetâña ara, ande tamâta ñinde simo Maro Kindeni natu wukale tia. Aku mine nâ, tamâta ea ñandai tininzi mwasa panzi kalo-tawana tamâta, ande kinzi kala simo Maro Kindeni natu wukale, ande tia.

*Yesu itula tini-mwasa ne mâsi kilala pwataki lâ*

<sup>11</sup> Munḡani, aku imâ lee ipânḡa lâ zo ḡine, ande miki uru kalonḡo ḡgua mine: kinda taitu-taitu ma tininda mwasa panzi tininda pinde.

<sup>12</sup> Miki ma kamo katogo timbunda Adam natu Kein, mine ndimo. Kein nde imo Sadana ne tamâta, aku ipu tai Abel pâta imâte. Aku i ne vetâḡa ḡinde nde duvi mine; i tamwata uru iveta vetâḡa sakamao, aḡa tai nde uru iveta vetâḡa ara.

<sup>13</sup> Niḡu-nambwe wukale, ambo kinzi tâno tamâta ma sikai kazâḡa pami, ande miki ma wisimi motu ḡana ḡinde kâ ndimo. <sup>14</sup> Kinda uru tao ilonda ndo ilâ panzi ninda-nambwe kalotawana tamâta. Aku vetâḡa ḡinde itula pwataki tu kinda tapile mateḡa ne vetâḡa marumbu lâ, aku tapaveta kuku via nâ ne vetâḡa. Tamâta ea ḡandai ilo ndo keno panzi i tini pinde, ande tamâta ḡinde ipaveta kuku mateḡa ne vetâḡa yo.

<sup>15</sup> Tamâta ea uru ikai kazâḡa pa ninambwe, aku wisi nâna ndo papa, ande tamâta ḡinde irerege kuku tamâta ḡana ipunzi tamâta pâta simâte kâ. Aku miki kasama tu ambo tamâta tonḡe ipu i tini pinde pâta imâte, ande via mao ikeno pa i, ande tia. Tamâta mine ḡandai tamâta ḡana imo via ku imo nâ.

<sup>16</sup> Yesu Kirisi ipile tamwata ne via ku imâte ḡana ivila kinda kâ. Aku i ne vetâḡa ḡinde itula tini-mwasa ne mâsi kilala pwataki pa kinda. Aku ara ḡana kinda kala mine nâ ma tapile nenda via ḡana tavilanzi ninda-nambwe kalo-tawana tamâta kâ. <sup>17</sup> Ambo tâno ḡine ne mbaliḡa ikeno pa tamâta tonḡe, aku imora ninambwe tonḡe imo sugorai ḡana kelekele pinde kâ, andeta i

kalo sukâña ñana ninambwe ñinde tia, ande ñinde itula pwataki tu tamâta ñinde ñandai ipaveta kuku Maro Kindeni ne mâsi ñana tini mwasa ndo panzi tamâta kê. <sup>18</sup> Naña natungu wukale, ambo kinda kawânda nâ taporo tu kinda tininda mwasa panzi tininda pinde, ande ñinde nde ara tia. Ara ñana kinda ma tao ilonda ilâ mao nâ panzi, aku taveta kenda ara nâ panzi.

*Kinzi kalo-tawana tamâta ma siruru lâ Maro Kindeni nao, ande tia*

<sup>19-20</sup> Ambo kinda tininda mwasa ndo panzi tininda pinde, ande ñinde itula pwataki tu kinda taponu muli sondu ndo pa ñgua mao. Mine kala, ambo ilonda itu ikai kazâña pa warakânda ñana vetâña tonje kinda muña taveta, ande kinda ma kalonda loko tia. Kinda wisinda ma puu ndue lâ Maro Kindeni nao, ñana tu i isama vetâña rârâni, aku i ne ilo-kalo ipole nenda ilo-kalo ndo lâ.

<sup>21</sup> Ningunambwe wukale, ambo ilonda ikai kazâña pa warakânda tia, ande kinda tasama tu kinda ma taruru ñana tamandi lâ Maro Kindeni nao, ande ma tia. <sup>22</sup> Ninenja lâ zo ndia kinda tano pa i tu iveta vetâña tonje, ande i ma ipalojo pa nenda noña, ñana tu kinda uru tapaveta kuku i ne tukuña, aku tapaveta kuku vetâña rârâni i ilo papa ñinde tona. <sup>23</sup> Aku i ne tukuña nde ikeno mine: kinda ma kalonda tawana i natu Yesu Kirisi, aku kinda taitu-taitu ma tininda mwasa ndo panzi tininda pinde, ikura tukuña ñinde i muña itula pa kinda mine.

<sup>24</sup> Tamâta ea uru ipono muli pa Maro Kindeni ne tukuña, ande tamâta ñinde ipaipa kuku Maro

Kindeni, aku Maro Kindeni kala ipaipa kuku i mine nâ. Maro Kindeni ne Koroani Sapâña ilua kinda lâ, aku Koroani Sapâña ñinde uru itula pwataki pa kinda mine tu Maro Kindeni ipaipa kuku kinda.

## 4

*Ara ñana kinda ma takai samâña panzi koroani*

<sup>1</sup> Ningu-nambwe wukale, ñgua-tulâña tamâta lajeña rârâ uru soka tâno kulu silâ wa simâ wa. Mine kala, ambo tamâta tonje imâ pami ku iporo tu, “Maro Kindeni ne Koroani uru itula ñgua pa naña”, ande miki ma kalomi tawana i walele ndimo. Ara ñana miki ma kakai samâña panzi koroani, ñana ma kasama kilalanzi kâ. Ñineña miki ma kasama tu koroani ñinde uru imo kuku Maro Kindeni tâku tia tâku. <sup>2</sup> Aku vetâña ñana itula Maro Kindeni ne Koroani kilala pwataki pami, ande mine: ambo koroani tonje itula ñgua lâ tamâta tonje kawa tu, “Yesu Kirisi muña imo kuku Maro Kindeni, ñineña ipânga tamâta mao”, ande ñinde nde Maro Kindeni ne Koroani. <sup>3</sup> Ambo koroani tonje ñandai itula ñgua kaña mine ñana Yesu kâ, ande ñinde nde Maro Kindeni ne Koroani, ande tia. Ñinde nde koroani tonje, aku koroani ñinde nde koroani ñana ikai kazâña ñalae tina pa Yesu Kirisi kâ. Muña miki kaloño koroani ñinde parina tu i ma muli imâ, kala ñine imâ ipânga lâ, kala imo tâno kulu.

<sup>4</sup> Naŋa natuŋgu wukale, miki nde Maro Kindeni ne tamâta, aku miki kapolenzi ŋgua-tulâŋa tamâta laŋeŋa ŋinde marumbu lâ, ŋana tu Koroani Sapâŋa imo ilomi, aku i ne walo ipole Sadana ne walo, ina kala uru imo lâ tâno tamâta ilonzi. <sup>5</sup> Kinzi tamâta ŋinde nde tâno tamâta nâ. Mine kala nenzi ŋgua nde tâno ne ŋgua nâ, aku kinzi tâno tamâta uru sipono muli pa nenzi ŋgua ŋinde. <sup>6</sup> Anŋa kinda nde Maro Kindeni ne tamâta, aku tamâta ea isama Maro Kindeni kilala sondo, ande i uru ipono muli pa nenda ŋgua. Ambo tamâta tonŋe imo Maro Kindeni ne tamâta tia, ande i ma ipono muli pa nenda ŋgua, ande tia. Naŋa mâsi mine kê, ande kinda takura tu tasama koroani mao kilala, aku kinda takura tu tasama koroani laŋeŋa kilala mine nâ.

*Tamâta ea tini mwasa pa Maro Kindeni, ande i ma tini mwasa panzi i tini pinde mine nâ*

<sup>7</sup> Niŋgu-nambwe wukale, ara ŋana kinda taitu-taitu ma tininda mwasa nâ panzi tininda pinde, ŋana tu Maro Kindeni nde tini-mwasa warika. Ambo tamâta tonŋe tini mwasa ndo panzi i tini pinde, ande tamâta ŋinde imo itogo Maro Kindeni natu mine, aku isama Maro Kindeni kilala marumbu lâ. <sup>8</sup> Maro Kindeni nde tini-mwasa warika. Mine kala, ambo tamâta tonŋe ŋandai tini mwasa panzi i tini pinde, ande i isama Maro Kindeni kilala nde tia. <sup>9</sup> Maro Kindeni isupwa i Natu taituni indue imâ tâno kulu ŋana i ma via mao ilua kinda. Aku Maro Kindeni ne vetâŋa ŋinde itula pwataki tu i ilo ndo keno pa kinda. <sup>10</sup> Maro Kindeni itula tini-mwasa ne vetâŋa pwataki mine; muŋga, kinda

ilonda ikeno pa Maro Kindeni, ande tia. Andeta nia ndoyo i ilo ndo keno pa kinda, kala isupwa Natu indue imâ tâno kulu ku imâte ñana izavaru nenda kiesaka piti lâ tininda.

<sup>11</sup> Ninngu-nambwe wukale, Maro Kindeni ne vetâña ñinde itula pwataki tu i ilo ndo keno pa kinda. Mine nde ara ñana kinda taitu-taitu ma tininda mwasa ndo panzi tininda pinde mine nâ.

<sup>12</sup> Tamâta tonje muñga imora Maro Kindeni, ande tia. Andeta miki kaloño ñga; ambo kinda ilonda ndo keno panzi tininda pinde, ande ñinde itula pwataki tu Maro Kindeni imo kinda ilonda. Aku i ne tini-mwasa ñinde ma ipâñga ñalae ndo lâ nenda vetâña.

<sup>13</sup> Maro Kindeni i tamwata ne Koroani Sapâña ilua kinda lâ. Mine kala kinda tasama tu kinda tapaipa kuku i lâ, aku i kala ipaipa ku kinda mine nâ. <sup>14</sup> Kinda Tamânda io Natu indue imâ ñana iyaute kinda tâno tamâta rârâni piti lâ kondoma ilo. Ñinde kinda tamora lâ, aku uru tatula ñgua pwataki ñana vetâña ñinde kâ.

<sup>15</sup> Tamâta ea ipatula ne kalo-tawana pwataki mine tu, “Yesu nde Maro Kindeni Natu”, ande Maro Kindeni ipaipa kuku tamâta ñinde, aku i kala ipaipa kuku Maro Kindeni mine nâ. <sup>16</sup> Mine nde kinda tasama ku kalonda ñawana mine tu Maro Kindeni ilo ndo keno pa kinda.

Maro Kindeni nde tini-mwasa warika, aku tamâta ea uru tini mwasa ndo panzi i tini pinde, ande ipaipa kuku Maro Kindeni, aku Maro Kindeni kala ipaipa kuku i. <sup>17</sup> Ambo kinda ma tamo mine, ande mâsi ñana tini-mwasa kâ ma ipâñga ñalae ndo lâ nenda vetâña. Aku kinda

ma taruru ñana zo muli ñinde Maro Kindeni ma ipare nia panzi tamâta kâ, ande ma tia. Kinda ma taruru tia, ñana tu lâ zo ñana kinda tamo tâno ñine kulu, ande kinda tamo togo Yesu Kirisi tamwata imo mine. <sup>18</sup> Mine nde kinda ma taruru tia. Ambo tamâta tonje tini mwasa panzi i tini pinde, ande i ma iruru tia. Ambo tini-mwasa ne mâsi ma ipânga ñalae ndo lâ tamâta tonje ne vetâña, ande mâsi ñinde ma isoki mâsi ñana ilo-ruruña kâ piti. Mâsi ñana ilo-ruruña kâ ñinde nde duvi mine; ambo tamâta tonje isama tu i ma muli ikai kulu ñana ne vetâña sakamao kâ, ande i ma iruru. Ambo tamâta tonje iruru, ande kinda tasama tu tini-mwasa ne mâsi ñandai ikeno kaika lâ i ne vetâña ñga.

<sup>19</sup> Nanayoni, Maro Kindeni ne tini-mwasa nde ikeno pa kinda lâ. Mine kala kinda uru taponu muli pa mâsi ñana tini-mwasa kâ. <sup>20</sup> Ambo tamâta tonje ma iporo tu, “Naña ilonngu ndo keno pa Maro Kindeni”, andeta i uru wisi nâna papa ninambwe kalo-tawana tamâta tonje, ande tamâta ñinde i nde lajeña tamwata. Kinda tamo kunzi ninda-nambwe kalo-tawana tamâta, aku uru tapamorai. Andeta tamâta tonje muña imora Maro Kindeni, ande tia. Mine kala ambo tamâta tonje ñandai tini mwasa pa i ninambwe kalo-tawana tamâta tonje, ande i ma ikura tu tini mwasa pa Maro Kindeni, ande tia. <sup>21</sup> Muña Yesu Kirisi itula tukuña ñine pa kinda; ambo tamâta tonje ilo ndo keno pa Maro Kindeni, ande i ma ilo ndo keno panzi ninambwe kalo-tawana tamâta mine nâ.

## 5

*Kinzi kalo-tawana tamâta sipole tâno ne walo marumbu lâ*

<sup>1</sup> Tamâta ea kalonzi tawana tu Yesu nde Maro Kindeni ne Pateâŋa Tamâta Kirisi, ande kinzi ŋinde rârâni simo Maro Kindeni natu wukale. Ambo tamâta tonje ilo ndo keno pa tamâta tonje, ande i ma ilo ndo keno panzi tamâta ŋinde natu wukale tona. <sup>2</sup> Ambo kinda ma tao ilonda ndo ilâ pa Maro Kindeni ku taponu muli pa i ne tukuŋa, ande mâsi ŋinde ma itula pwataki tu ilonda ndo keno panzi Maro Kindeni natu wukale tona. <sup>3</sup> Ambo kinda tao ilonda ndo ilâ pa Maro Kindeni, ande kinda ma taponu muli pa i ne tukuŋa rârâni. Aku i ne tukuŋa ŋinde uru iveta malia pa kinda, ande tia. <sup>4</sup> Tamâta ea kinzi simo Maro Kindeni natu wukale, ande kinzi ŋinde sikura tu sipole tâno ŋine ne walo. Kinda nenda kalo-tawana isuka kinda ŋana tamandi kaika tapole kazâŋa ku tatawa tâno ŋine ne walo ndue.

*Maro Kindeni itula i Natu kilala pwataki*

<sup>5</sup> Ea ikura tu ipole tâno ŋine ne walo ku itawa walo ŋinde ndue, a? Tamâta ea kalonzi tawana tu Yesu nde Maro Kindeni Natu, kinzi tamâta ŋinde simbonzi nâ sikura tu sipole tâno ŋine ne walo. <sup>6</sup> Yesu Kirisi indue imâ lâ, aku vetâŋa rua situla i kilala pwataki. I ne lâ-liliŋa itula i kilala pwataki, aku i see ŋinde ipaliŋi lâ kâi popole tini, ande ŋinde kala itula i kilala pwataki tona. Lâ simbo nâ itula i kilala pwataki, ande tia. I see ŋinde itula i kilala pwataki tona. Koroani Sapâŋa nde ŋgua mao warika, aku ŋana duvi



ņinde kâ i uru itula ŋgua mine ŋana Yesu Kirisi kâ. <sup>7-8</sup> Koroani Sapâņa, aņga lââ, aņga see, kinzi ŋato ŋinde silâ taitu sipasuka ku situla ŋgua pwataki ŋana Yesu Kirisi kilala kâ. Aku kinzi ŋato siporo ŋgua kaņa taitu nâ.

<sup>9</sup> Kinda uru kalonda tawana tamâta kawanzi ŋgua. Andeta Maro Kindeni itula ŋgua ŋana i Natu kâ, aku i ne ŋgua ŋinde nde kelekele ŋalae tina, ipole tamâta nenzi ŋgua ndo, ŋana tu ŋinde nde Maro Kindeni tamwata kawa ŋgua.

<sup>10</sup> Tamâta ea kalo tawana Maro Kindeni Natu, ande ipakâe kuku Maro Kindeni kawa ŋgua ŋinde marumbu lâ. Ambo tamâta tonje tini pwâka tu kalo tawana Maro Kindeni kawa ŋgua ŋinde, ande ŋinde itogo iporo tu Maro Kindeni nde laņeņa tamwata, ŋana tu i ŋandai kalo tawana ŋgua ŋinde Maro Kindeni itula ŋana i Natu kâ. <sup>11</sup> Maro Kindeni itula ŋgua mine; i via mao ilua kinda lâ, ŋana ma tamo viânda ku tamo nâ, aku via mao ŋinde nde ikeno papa i Natu. <sup>12</sup> Tamâta ea ipaipa ndo kuku Maro Kindeni Natu, ande tamâta ŋinde ikai via mao ŋinde marumbu lâ. Aņga tamâta ea ŋandai ipaipa kuku Maro Kindeni Natu, ande tamâta ŋinde ikai via mao ŋinde, ande tia.

*Kinda tasama ŋine; kinda ma tamo viânda ku tamo nâ*

<sup>13</sup> Naņa aņgere ŋgua ŋine imâ pa miki tamâta ŋinde uru kalomi tawana Maro Kindeni Natu, ŋana miki ma kakura tu kasama sondu tu miki kakai via mao ŋinde marumbu lâ, kala ma kamo viami ku kamo nâ. <sup>14</sup> Lâ zo ndia kinda tano pa

Maro Kindeni tu ma iveta vetâña tonje, ande kinda ma taruru ñana tamandi i nao, ande tia. Njinde nde duvi mine; ambo kinda tano pa i tu ma iveta pa kinda ikura i tamwata nâ ne pateâña mine, ande i ma ipaloño pa nenda noña. <sup>15</sup> Kinda tasama tu i ipaloño pa nenda noña. Mine kala tasama tu i iveta pa kinda ikura nenda noña rârâni mine.

<sup>16</sup> Kiesaka tonje ikura tu isae via ne nzâla ñananzi tamâta kâ, andeta kiesaka pinde sikura tu siveta mine tia. \* Ambo tamâta tonje imora ninambwe kalo-tawana tamâta tonje iveta kiesaka, andeta kiesaka njinde ñandai ñana isae via ne nzâla nga, ande ara ñana tamâta njinde ma ikai noña pa Maro Kindeni ñana ninambwe njinde kâ, ñana i ma ikai via mao. Naja ñandai aporo tu miki ma kakai noña mine ñana tamâta tonje iveta kiesaka njinde ikura tu isae via ne nzâla kâ. <sup>17</sup> Vetâña sakamao kiekie rârâni nde kiesaka nâ, andeta kiesaka pinde sikura tu sisae via ne nzâla ñananzi tamâta kâ, ande tia.

<sup>18</sup> Kinda tasama tu tamâta ea simo Maro Kindeni natu wukale, kinzi njinde sipu mulinzi pa kiesaka ne vetâña. Maro Kindeni Natu, i tamwata uru ikea sondo ndo ñananzi kalotawana tamâta njinde. Mine kala Sadana ikura tu iveta vetâña sakamao tonje panzi, ande tia.

<sup>19</sup> Kinda tasama tu kinda tamo Maro Kindeni natu wukale. Andeta Sadana uru ikai poe kaika panzi tâno tamâta rârâni. <sup>20</sup> Aku mine nâ, kinda

---

\* **5:16** 16 Ambo tamâta tonje ipu muli pa Yesu Kirisi, ande kiesaka njinde isae via ne nzâla ñana i kâ.

tasama tu Maro Kindeni Natu nde imâ ipângga lâ, aku itula ilo-kalo ara nâ pa kinda marumbu lâ. Mine kala kinda takura tu tasama Maro Kindeni kilala sondo, inani kala vetâña mao warika. Maro Kindeni nde vetâña mao warika, aku kinda tapaipa kuku i nga i Natu Yesu Kirisi rua. I nde Maro mao kanaño, aku i nde via mao warika.

<sup>21</sup> Nana natungu wukale, miki ma kapakatona sondo, aku tinimi piti ndo njananzi maro lanjeña kâ.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de